



Алматы қаласы Жұмыспен қамту және әлеуметтік бағдарламалар басқармасы
басшысының 2025 жылғы
№ 10 бұйрығына
8 қосымша

**Алматы қаласы Жұмыспен қамту және әлеуметтік
бағдарламалар басқармасының
кадрмен жұмыс және құжаттамалық қамтамасыз ету бөлімінің
ЕРЕЖЕСІ**

1. Жалпы ережелер

1. Кадрмен жұмыс және құжаттамалық қамтамасыз ету бөлімі (әрі қарай – Бөлім) Алматы қаласы Жұмыспен қамту және әлеуметтік бағдарламалар басқармасының (әрі қарай – Басқарма) құрылымдық бөлімшесі болып табылады.

2. Бөлім өз жұмысында Қазақстан Республикасының Конституциясын, Қазақстан Республикасының Еңбек кодексін, Қазақстан Республикасының «Қазақстан Республикасының мемлекеттік қызметі туралы», Қазақстан Республикасының әкімшілік рәсімдік-процестік кодексін, «Сыбайлас жемқорлыққа қарсы іс-қимыл туралы» заңдарын, Қазақстан Республикасы Президенті мен Үкіметінің, сондай-ақ мемлекеттік қызмет саласындағы уәкілетті органның актілерімен, Мемлекет Басшысының жарлықтарымен және ҚР Үкіметінің қаулыларымен, Алматы қаласы әкімдігінің қаулыларымен, Алматы қаласы әкімінің шешімдерімен және өкімдерімен, басқа да нормативтік-құқықтық актілерін, Басқарма Ережесін және осы Ережені, лауазымдық нұсқаулықтарды басшылыққа алады.

3. Бөлімнің құрылымы, штат саны Қазақстан Республикасының заңнамасында белгіленген тәртіппен Басқарманың штаттық кестесіне сәйкес бекітіледі.

4. Құрылымдық бөлімше басшыдан - 1 бірлік, санаты Д-О-3; бас мамандардан - 4 бірлік, санаты Д-О-4 құралады.

2. Бөлімнің міндеттері, құқықтары мен міндеттері

5. Бөлімнің міндеттері:

1) персоналды басқару жүйесінің тұтастығын қалыптастыру. Мемлекеттік қызмет өткеруді қамтамасыз ету.

2) Қазақстан Республикасының мемлекеттік, ведомстволық және өзге де наградаларымен наградтау жөніндегі жұмысты ұйымдастыру және жүргізу.

3) Басқарманың іс жүргізуді ұйымдастыру және жетілдіру жөніндегі қызметін құжаттамалық қамтамасыз ету.

Мам

4) азаматтар мен заңды тұлғалардың өкілдерін қабылдауды ұйымдастыру;

5) петицияларды қарау.

6. Бөлімнің құқықтары мен міндеттері:

1) Бөлімге жүктелген міндеттер мен мақсаттарды орындау үшін қажетті ақпараттар мен материалдарды белгіленген тәртіпте сұрау салып, алуға;

2) Бөлім құзырына кіретін сұрақтар бойынша ұсыныстар мен құжаттар жобаларын Басқарма басшылығының қарауына жеткізу және енгізу;

3) Басқарма басшысының бұйрықтарының жобаларын енгізу, олардың орындалуына бақылау жасау;

4) Басқарма басшысының бұйрықтары мен хаттамалық тапсырмаларын орындау;

5) Конституцияны, Қазақстан Республикасының заңнамаларын, қызметтік этика нормаларын орындау;

6) осы ережемен Бөлімге жүктелген мақсаттар мен міндеттерді уақытылы және сапалы орындау.

7) қажетті мақсаттар мен міндеттерді орындау үшін, бөлімге тиісті құқықтарды орындау, бөлім басшысы мен мамандардың қызметтік нұсқаулықтарына сәйкес орындалады.

7. Функциялары:

1) кадрларды мониторингілеу және талдау;

2) мемлекеттік қызметшілер қызметінің тиімділігін бағалау жөніндегі жұмысты ұйымдастыру;

3) мемлекеттік және азаматтық қызметке кіру, өту және тоқтату рәсімдерінің сақталуын қамтамасыз ету;

4) мемлекеттік және азаматтық қызметті өткеруге байланысты құжаттарды ресімдеу, дербес деректерді есепке алу.

5) мемлекеттік қызметшілердің мемлекеттік қызметте болуына байланысты шектеулерді сақтауын қамтамасыз ету;

6) кадрлық іс жүргізуді, оның ішінде мемлекеттік қызмет персоналы бойынша бірыңғай автоматтандырылған деректер базасында (ақпараттық жүйеде) жүргізу;

7) бос мемлекеттік әкімшілік лауазымға орналасуға конкурс жариялау үшін Алматы қаласы әкімі аппаратының Бірыңғай персоналды дамыту қызметіне сұрау салуларды уақтылы жіберуді қамтамасыз ету;

8) жеке істерді, еңбек кітапшаларын жүргізу және өзектендіру;

9) жұмыс уақытын есепке алуды жүргізу;

10) оқыту, біліктілігін арттыру, қайта даярлау, тағылымдама, сондай-ақ кәсіптік бейімдеу және тәлімгерлік мәселелері бойынша жұмыстарды ұйымдастыру;

11) лауазымдық айлықақыларды есептеу үшін коэффициенттерді айқындау үшін мемлекеттік қызмет өтілін, мамандық бойынша жұмыс өтілін айқындау үшін еңбек өтілін белгілеу жөніндегі комиссияның отырысына материалдар дайындау;

Handwritten signature

12) бөлімдер туралы бекітілген ережелерді және Басқарма қызметкерлерінің лауазымдық нұсқаулықтарын жинау;

13) мемлекеттік және азаматтық қызметшілердің, сондай-ақ техникалық персоналдың тарифтеу тізімін қалыптастыру;

14) мемлекеттік лауазымдарға қойылатын біліктілік талаптарының құрылымы мен жинағын бекітуге енгізу;

15) қызметтік тергеп-тексеру жүргізу жөніндегі жұмысты ұйымдастыру, материалдарды (қызметтік тергеп-тексеру қорытындыларын) Алматы қаласының бірыңғай тәртіптік комиссиясының қарауына жіберу және Комиссияның шешімдеріне сәйкес қажетті материалдарды ресімдеу;

16) Басқарманың мемлекеттік қызметшілерінің тұрғылықты жері бойынша салық органдарынан өзіне және жұбайына (зайыбына) кірістері мен мүлкі туралы декларация беру туралы растамаларды жыл сайын уақтылы ұсынуын бақылауды жүзеге асыру;

17) арнайы тексеруден өту үшін Алматы қаласы бойынша ҰҚҚД-ға жаңадан қабылданған мемлекеттік қызметшілерге сұрау салуларды уақтылы жіберу, сондай-ақ қажет болған жағдайда аса маңызды құжаттарға, өте құпия құжаттарға рұқсат ресімдеу;

18) Қазақстан Республикасы Мемлекеттік қызмет істері Агенттігінің Алматы қаласы бойынша департаментіне белгіленген есептерді дайындау;

19) әскери міндеттілер мен әскерге шақырылушылар бойынша әскери-есептік жұмысты жүргізу;

20) Басқарманың мемлекеттік қызметшілерінің Қазақстан Республикасы мемлекеттік қызметшісіне ант беру рәсімін дайындауы, ұйымдастыруы және өткізуі;

21) Басқарманың мемлекеттік және азаматтық қызметшілеріне мемлекеттік және азаматтық қызмет өткеру мәселелері бойынша консультациялық және әдістемелік көмек көрсету;

22) мемлекеттік және азаматтық қызметшілерді ынталандыру және көтермелеу жөнінде ұсыныстар енгізу;

23) ҚР қолданыстағы заңнамасына сәйкес мемлекеттік, ведомстволық және өзге де наградалармен наградтауға ұсыну мәселелері бойынша материалдар дайындау.

24) өз құзыреті шеңберінде жеке және заңды тұлғалардың өтініштерін қарау және олар бойынша жауаптар дайындау;

25) өтініштерді талдау және өтініш берушілер көтеретін жүйелі мәселелерді анықтау;

26) басшының және басшының орынбасарларының жеке және заңды тұлғалардың өкілдерін жеке қабылдауын ұйымдастыру және жүргізу, жеке және заңды тұлғалардың өкілдерін жеке қабылдау барысында берілген өтініштердің, тапсырмалардың қаралуына бақылауды жүзеге асыру;

27) өтініштер шеңберінде Мемлекет басшысы басшылығының, ҚР Президенті Әкімшілігі, ҚР Үкіметі, ҚР Үкіметі Аппараты, орталық

Мам

мемлекеттік органдар басшылығының тапсырмаларының уақтылы және толық іске асырылуын бақылау;

28) жеке және заңды тұлғалардың өтініштерін қарау бойынша заңнама талаптарының сақталуын бақылау, жеке және заңды тұлғалардың өтініштерін қарау мәселелері бойынша жаңадан қабылданған қызметкерлерге нұсқау беру;

29) Басқармаға жолданған петициялардың болуына «Е-Өтіш» ақпараттық жүйесіндегі "петициялар" бөлімінің мониторингі. Көтерілетін мәселелердің саны, сипаты бойынша келіп түскен петицияларға бақылау және талдау жүргізу;

30) келіп түскен өтініштер бойынша жүйелік проблемаларды анықтауға арналған тәуекелдер картасын қалыптастыру;

31) құжаттамалық қамтамасыз ету жүйесін басқаруды, ұйымдастыруды, жүргізуді және жетілдіруді қамтамасыз ету, құжаттармен, оның ішінде «қызметтік пайдалану үшін» таратылуы шектеулі қызметтік ақпараттың мәліметтерін қамтитын жұмыстың белгіленген тәртібінің сақталуын бақылау;

32) бұлтты құжат айналымы жүйесі (ОДО) бойынша Бақылау құжаттарын өңдеуді қамтамасыз ету;

33) Қазақстан Республикасының әкімшілік органдары өтініш берушілердің өтініштерін қабылдау және өңдеу процесін автоматтандыруға арналған «е-Өтініш» платформасында жеке және заңды тұлғалардың өтініштерін уақтылы қарауды және қабылдауды қамтамасыз ету;

34) орындалған құжаттаманы адресаттар бойынша уақтылы жіберу;

35) Басқарманың құрылымдық бөлімшелерінде мемлекеттік тілдің қызмет саласын кеңейту;

36) Басқарма істерінің номенклатурасын әзірлеу, келісу және бекітуге енгізу;

37) № 1 ОЛ нысан бойынша жеке және заңды тұлғалардың өтініштерін қарау қорытындылары бойынша құжат айналымы бойынша ай сайынғы, тоқсан сайынғы, жартыжылдық және жылдық есептерді жасау;

38) басқарма басшысының және басқарма басшысының орынбасарларының азаматтарды қабылдау кестесін бекіту;

39) Басқарма құжаттарын Басқарма мұрағатында сақтауды ұйымдастыру және қамтамасыз ету;

40) заңнамада белгіленген тәртіппен Басқарма құжаттарын уақтылы есептен шығаруды және жоюды қамтамасыз ету;

41) қазақ тілін оқыту курстарын ұйымдастыру;

42) электрондық поштамен жұмыс мемлекеттік органдардың Интернет-порталы (ИПГО), сондай-ақ ИПГО-да есептік жазбаларды жүргізу;

43) логиндерді жүргізуді және түзетуді қоса алғанда, Documentolog (ОДО)-да жұмыс істеу үшін басқарма қызметкерлерінің eToken кілттерін және ЭЦҚ-ны алуын және пайдалануын бақылауды ұйымдастыру.

mea

3. Бөлімнің қызметін ұйымдастыру

1. Заңнамалық актілерге, Қазақстан Республикасы Президентінің актілеріне, басқа да Қазақстан Республикасының нормативтік-құқықтық актілеріне сәйкес, басты мақсаттар мен міндеттерді жүзеге асыру үшін қажетті өкілеттіктерге бөлім ие.

2. Қазақстан Республикасының заңнамасымен белгіленген тәртіпте, қызметке тағайындалатын және қызметтен босатылатын, бөлім басшысы бөлімді басқарады.

3. Бөлім Басқарма басшысына бағынады.

4. Бөлім басшысы бөлім қызметіне жалпы басшылық жүргізеді және бөлімге жүктелген мақсаттар мен міндеттердің орындалуына жеке жауапты.

5. Бөлім басшысы Басқарма басшылығына құрылым және бөлімнің штаттық кестесі жөнінде ұсыныстар енгізеді.

6. Осы мақсаттарда бөлім басшысы:

1) бөлім мамандарының міндеттері мен өкілеттіктерін белгілейді;

2) Қазақстан Республикасы Президентінің заңдары мен актілеріне сәйкес басқа да өкілеттіктерді орындайды.

7. Бөлім құзырына кіретін сұрақтар бойынша басқа бөлімдерге бөлім атынан жіберілетін құжаттарға, бөлім басшысы қол қояды, ол жоқ болған жағдайда, оны алмастыратын тұлға қол қояды.

meas